

ENGLISH TEXT BELOW

SPEZIALE INTERIM HS 21 & 22 HSAG NUUSBRIEF: NOVEMBER 2018

Geagte HSAG-belegger / Mnr. / Mev. / Mej. [Customer Name]

Hierdie Kennisgewing word aan u gerig as lid van die Hoëveld Sindikase Aksiegroep (“HSAG”) op grond van u belegging in die Highveld Sindikasiemaatskappye 21 & 22 en/of u ondersteuning van die HSAG.

Alhoewel e-posse, HSAG Nuusflitse en HSAG Inligtingsbrokkies van tyd tot tyd uitgestuur word, is die www.hsaction.co.za webtuiste die primêre plek waar u HSAG finale inligting kan bekom.

Die verpligting rus op u as belegger om ons op hoogte van enige veranderinge van u persoonlike en/of kontakbesonderhede.

Neem asseblief kennis dat HSAG Maandstate en ‘n volledige HSAG Nuusbrief deur die loop van volgende week uitgestuur word.

NB: SIEN PUNTE 4, 7 & 8 HIERONDER.

1. INLEIDING

Die HSAG bevestig dat u deel vorm van die HSAG se versnelde proses om die Hof te nader, by wyse van ‘n bespoedigde Aansoek, waarin die HSAG vra dat ‘n klas-aksie ten opsigte van sekere kontraktuele eise van HS 21 & 22 gesertifiseer word.

Die HSAG het dit goed gedink om sekere vrae rondom die proses in hierdie Kennisgewing te verduidelik.

2. WAAROM HET DIE HSAG BESLUIT OM VOORT TE GAAN MET ‘N AFSONDERLIKE VERSNELDE (“FAST TRACK”) KLAS-ASKIE TEN OPSIGTE VAN HS 21 & 22?

Die prospektusse in HS 21 & 22 het ‘n Terugkoopklousule (“Buy Back”) bevat wat onder andere bepaal het dat mnr Georgiou/Zephan die beleggers se beleggings oor 5 jaar moet terugkoop.

Mnr Georgiou/Zephan het versuim om die beleggers se beleggings terug te koop en het aangevoer dat die Sakereddingsplan en daarna die Art 155-Reëlinskema die betalings aan beleggers geherstruktoreer het en dat die “Buy Back” klousule dus nie meer afdwingbaar was nie.

Vroeër die jaar was daar egter twee suksesvolle Hooggeregshof uitsprake teen Georgiou se Zephan, waar die Howe bevind het dat die destydse Sakereddingsplan en die Art 155- Reëlinskema geen effek op die “buy back” klousule het ten opsigte

van eise wat beleggers in HS 21 en HS 22 teen mnr Nic Georgiou, Zephan en Georgiou se Trusts het nie.

Die HSAG se regspraak het op grond van 'n sterk boodskap van die howe in hul guns, besluit om onverwyld voort te gaan met die sertifisering van bogenoemde eis ten aansien van bogenoemde partye op 'n kontraktuele basis in die klas-aksie, ten opsigte van beleggers wat in bogenoemde sindikasies belê het, aangesien daar geen rede bestaan oor waarom mnr Georgiou/Zephan nie die "Buy Back" klousule moet nakom nie.

3. UITREIKING VAN DIE AANSOEK

Die HSAG-regspraak het op 27 Julie 2018 'n Aansoek vir die Sertifisering van 'n klas-aksies ten opsigte van die tersaaklike eise op mnr Georgiou/Orthotouch en ander Respondente beteken waarin die HSAG die Hof vra dat sodanige Sertifikaat toegestaan moet word.

In terme van die Hofreëls het die Respondente 5 Hofdae gehad waarin hulle Oppenering van die Aansoek kon aanteken.

Die HSAG het 'n Kennisgewing van Oppenering ontvang vanaf sekere Respondente, wat onder andere mnr Georgiou en Orthotouch insluit.

Die Hofreëls bepaal verder dat indien Respondente die Aansoek opponeer, hulle binne 15 Hofdae (nadat hulle opponering aangeteken het), Opponerende Verklaring(s) moet beteken en liasseer.

Die HSAG het, ten spyte 'n aanmaning, tot op hede geen Opponerende Verklaring(s) vanaf die Respondente ontvang nie.

In so 'n geval bepaal die Aanwysings van die Hooggeregshof dat 'n Applikant, in hierdie geval die HSAG, die aansoek op die ongeopponeerde Hofrol kan plaas vir aanhoor.

Die HSAG se regspraak voorsien egter dat die Respondente op die dag van die Aansoek die Opponerende Verklaring(s) gaan lewer, wat 'n uitstel tot gevolg sal hê.

4. AANSTEL VAN 'N SAAKBESTURDER – HOOGGEREGSHOF, PRETORIA

Die Adjunk Regter-president, Regter AP Ledwaba, van die Hooggeregshof, Pretoria het op Vrydag, 19 Oktober 2018, na aanleiding van die HSAG se versoek 'n Saakbestuurder aangewys om na die aangeleentheid om te sien.

Regter RG Tolmay (wat as die Saakbestuurder aangewys was) is onafhanklik van enige party tot 'n geding en moet onder andere toesien dat partye tot die geding nie die proses onnodig vertraag nie.

Bogenoemde versuim om die opponerende verklaring te liasseer was onder die aandag van die Saakbestuurder, wat in die saak aangestel is, gebring en 'n vergadering met haar is gereël.

Die HSAG se regsman het kontak met die Registrateur van Regter Tolmay gemaak ten einde 'n dringende vergadering voor haar en al die belanghebbende partye te belê.

Die saakbestuurder, Regter Tolmay, het die partye op 6 November 2018 in kennis gestel dat sy 'n vergadering op **Donderdag 8 November 2018 om 08h15** in haar kantoor wil hê. Die saak was so belangrik vir die HSAG dat hul regsman hul ander werk uitskuif ten einde reis en verblyf reëlings te tref.

Die vergadering tussen die onderskeie regsverteenvoerders en die Saakbestuurder-Regter om die sertifisering van die HS21 & 22-terugkoop-eise te versnel het plaasgevind en dit het baie goed gegaan.

Die Regter het kennis geneem van die dringendheid om die saak te bespoedig en positiewe kommentaar gelewer op die belangrikheid en dringendheid van die saak waar die regte van ouer mense geraak word.

'n Tydtafel was opgestel om te bewerkstellig dat die eerste deel van die aansoek vroeg in 2019 te laat aanhoor. As die HSAG daarin slaag, sal die sertifiseringsaansoek vir die terugkoop-eise volg.

Die regsman van Nic Georgiou het twee van die tegniese punte wat hulle vroeër geneem het, laat vaar, wat nog 'n oorwinning vir die HSAG is. Die derde geskilpunt was ook opgelos deur die onderneming van Georgiou se regsman om hul dokumente op 'n ooreengekome datum te liasseer.

As die HSAG slaag in die terugkoop-sertifiseringsaansoek, sal die ander sertifikasies volg. 'n Oorwinning vir een sertifisering is 'n oorwinning vir almal.

5. WAT SAL DIE VERSNELDE SERTIFISERING VAN DIE HS EISE KLAS-AKSIE VIR BELEGGERS BETEKEN?

Aangesien die spesifieke eisoursake in HS 21 & 22 op ander feite as die ander HS-maatskappye berus, is dit nie nodig om eers die Art 155-Reëlinskema tersyde te stel alvorens daardie HS 21 & 22 eise afdwing kan word nie.

Dus is die roete wat die HSAG volg ten opsigte van HS 21 & 22 beleggers heelwat korter en kan dit beteken dat diegene wat in bogenoemde Sindikasies belê het, vroeër hul kontraktuele eise kan afdwing.

Indien die HSAG suksesvol moet wees met die Aansoek vir die Sertifisering van 'n klas-aksie in hierdie eise sal dit beteken dat die HSAG onmiddellik kan voortgaan om namens al die HS-beleggers, wat in HS 21 & 22 belê het, hul eise af te dwing.

Die HSAG se eise op grond van deliktuele eise (onregmatige daade), wat hierdie Respondente insluit, word geensins geraak deur die versnelde aansoek nie, en gaan normaalweg voort soos die res van die HS maatskappye 15 – 20.

6. WAT VAN BELEGGERS WAT IN DIE ANDER SINDIKASIE MAATSKAPPYE BELÊ HET?

HSAG-lede wat in die ander HS-maatskappye belê het, moet egter nie bekommerd wees oor hul eise nie. Hierdie eise is glad nie verlore of in gedrang nie en gaan die HSAG nog steeds voort met stappe ten einde die beleggers se eise af te dwing. U moet egter onthou dat die eisoorzaak van HS 15 tot 20 op ander feite en omstandighede, nl. onder andere ook bedrog en wanvoorstellings berus, en is die roete wat met hierdie eise gevolg moet word anders as in die kontraktuele eise van die HS 21 & 22.

Soos hierbo gemeld gaan HS 15 – 22 se eise op grond van onregmatige daade ook voort teen al die Respondente. Die rede hiervoor is dat enige tekorte wat mag bestaan by vorderings, van sodanige partye gevorder sal word.

Bogenoemde beleggers se eise is reeds ingestel deur middel van die Sertifikasie-Aansoek en sluit hierdie Aansoek die verjaring van eise in.

Alhoewel die HSAG van voorneme is om die Art 155-Reëlinskema (“Reëlinskema”) tersyde te stel, is Orthotouch in terme van die Reëlinskema verplig is om maandelikse rente aan HS-beleggers te betaal, minstens tot tyd en wyl gemelde skema tersyde gestel word, al dan nie.

Aangesien Orthotouch die Reëlinskema minag deur nie betyds of enigsins aan al die HS-lede hul maandelikse rente betaal nie, bestaan daar egter geen rede waarom die Reëlinskema in plek gehou moet word nie en sal die HSAG oorweeg om ook so spoedig as moontlik stappe neem ten einde die Reëlinskema tersyde te stel.

7. 2018 SPESIALE OPVRAGING – “FAST TRACK” AANSOEK

Aangesien dit ‘n enorme hoeveelheid werk verg ten einde die spesifieke Aansoek vir die Sertifisering van die klas-aksie ten opsigte van HS 21 & 22 van baan te bring, het die HSAG-bestuur besluit om ‘n spesiale 2018 opvraging in die bedrag van R500.00 per persoon wat in enige van HS21 en/of HS22 maatskappye belê het, te maak.

Hierdie nominale 2018 opvraging is bo en behalwe die gewone opvragings en sal op u staat verskyn.

Dit is wel so dat alle HSAG-lede bydra tot 'n gemeenskaplike poel. Dit verg egter dat diegene wat in HS 21 & 22 belê het, addisioneel bydra om die litigasie van HS 21 & 22 spesifiek te ondersteun.

Daarom is die HSAG-bestuur genoodsaak om hierdie spesiale opvraging te doen.

Bogenoemde spesiale opvraging verskyn reeds op u HSAG Staat en versoek ons u om die spesiale opvraging so spoedig as moontlik op datum te bring.

Die proses word oor tyd ingefaseer en sal die tersaaklike HSAG lede se state met verloop van tyd opgedateer word, maar word lede spesifiek versoek om nie te wag totdat hulle state opgedateer is nie en onmiddellik hulle bydrae in die trustrekening te maak onder die verwysing:

Theron & Vennote Rek. Nr. 2
Standard Bank
Stellenbosch
Rek. Nr. 063163160
Takkode 050610
Swift Code SBZA ZA JJ
Verwysing: "RQ1 Voorletters en Van".

Belangrik: indien u reeds die bogenoemde bedrag betaal het en dit verskyn nie op u staat nie, wees asseblief geduldig, dit sal in die gewone loop op u staat verskyn.

8. OPSKORTING VAN HSAG-LIDMAATSKAP

Die HSAG-bestuur het tydens 'n vorige vergadering besluit, welke besluit verwelkom was deur baie van die opbetaalde HSAG-lede, dat HSAG-lede wie nou nog nie hul 2014 / 2015 registrasiekoste voor of op 31 Desember 2018 op datum bring nie, se lidmaatskap aan die HSAG ongelukkig onmiddellik opgeskort sal word.

Bogenoemde reëling sal spesifiek ook geld vir HSAG-beleggers wat deel vorm van die HS 21 & 22 "Fast Track" Aansoek vir Sertifisering.

Die gevolge van 'n HSAG-lid se lidmaatskap wat opgeskort word is verreikend, en kan ondermeer beteken dat die HSAG-belegger se eis teen Orthotouch/Georgiou verjaar het. In die huidige bedeling van die klas-aksie aansoek kan dit ook beteken dat sodanige persone nie weer kan deel vorm van die HSAG klas-aksie nie.

In die lig van bogenoemde gunstige verwickelinge ten opsigte van HS 21 & 22, moedig ons lede dus aan om so spoedig as moontlik hul registrasiekoste op datum te bring én ons van sodanige bewys te voorsien ten einde die opskorting van u lidmaatskap te voorkom.

Dit is uiters onregverdig teenoor opbetaalde lede dat sommige lede vereis om volle dienste te ontvang, terwyl hulle 2 – 3 jaar laas enige bydraes gemaak het.

Indien lede se lidmaatskap opgeskort word, sal hulle ongelukkig nie kan deel in enige sukses of self skikkings wat die HSAG en sy lede bereik of mag beding nie.

Die HSAG beplan ook om voor die einde van 2018 'n nuwe skrywe aan sy lede te stuur om riglyne te verskaf.

Vriendelike groete

HSAG-Bestuurskomitee

Kontak die HSAG en prokureurs by:

Tel: (021) 887 7877

hsactiongroup@gmail.com